



REHABILITIMI I FASADAVE TË PALLATIT TEK KRYQËZIMI I RRUGËS SË  
DIBRËS ME UNAZËN E VOGËL

Investitor : BASHKIA TIRANE

PROJEKTOI

**sferastudio**  
architecture

# SPECIFIKIME TEKNIKE

## 1 SEKSION 1 SPECIFIKIME TË PËRGJITHSHME

### 1.1 Specifikime të përgjithshme

#### 1.1.1 Njësitë matëse

Në përgjithësi njësitë matëse kur lidhen me Kontratat janë njësi metrike në mm, cm, m, m<sup>2</sup>, m<sup>3</sup>, Km, N (Njuton), Mg (1000 kg) dhe gradë celcius. Pikat dhjetore janë të shkruara si “.”.

#### 1.1.2 Grafiku i punimeve

Kontraktuesi duhet t'i japë supervizorit një program të plotë duke i treguar rendin, procedurën dhe metodën sipas së cilave, ai propozon të punohet në ndërtim deri në mbarim të punës. Informacioni që mban supervizori duhet të përfshijë: vizatime që tregojnë rregullimin gjeneral të ambienteve të godinës dhe të ndonjë ndërtimi apo strukture tjeter të përkohshme, të cilat ai i propozon për përdorim; detaje të vendosjes konstruksioneve dhe punëve të përkohshme; plane të tjera që ai propozon t'i adaptojë për ndërtim dhe përfundimin e të gjitha punëve, si dhe në vijim, detaje të fuqisë punëtore të kualifikuar dhe jo të kualifikuar si dhe supervizionin e punimeve. Mënyra dhe rregulli që janë propozuar për të ekzekutuar këto punime permanente është temë për t'u rregulluar dhe aprovuar nga supervizori, dhe çmimi i kontratës duhet të jetë i tillë që të përfshijë çdo rregullim të nevojshëm, të kërkuar nga supervizori gjatë zbatimit të punimeve.

#### 1.1.3 Punime të gabuara

Çdo punë, që nuk është në përputhje me këto specifikime, duhet refuzuar dhe kontraktuesi duhet të riparojë çdo defekt me shpenzimet e veta, sipas projektit.

#### 1.1.4 Tabelat njoftuese, etj.

Asnjë tabelë njoftuese nuk duhet vendosur, përveç: Kontraktori do të ndërtojë dy tabela, që përmbajnë informacion të dhënë nga Supervizori dhe vendosen në vendet e caktuara nga ai. Fjalët duhen shkruar në mënyrë të tillë, që të jenë të lexueshme nga një distancë prej 50 m. Gjuha e shkruar duhet të jetë në anglisht dhe shqip.

## 1.2 Dorëzimet te Supervizori

### 1.2.1 Autorizimet me shkrim

“Rregullat me shkrim” do t'i referohen çdo dokumenti dhe letre të nënshkruar nga Supervizori të dërguara kontraktuesit që përmbajnë instruksione, udhëzime ose orientime për kontraktonin në mënyrë që ai të realizojë ekzekutimin e kontratës. Fjalët e aprovuara, të drejtuara, të autorizuara, të kërkua, të lejuara, të

urdhëruara, të instruktuar, të emëruara, të konsideruara të nevojshme, urdhëresa ose jo (duke përfshirë emra, folje, mbiemra, dhe ndajfolje) të një rëndësie, do të kuptohet që aprovimet e shkruara, drejtimet, autorizimet, kërkesat, lejet, rregullat instruksionet, emërimet, urdhëresat e Supervizorit do të përdoren deri në daljen e një plani tjetër pune.

### **1.2.2 Dorëzimet tek supervizori**

Kontraktori duhet ti dorëzojë Supervizorit për çdo punim shtesë, një vizatim të detajuar dhe puna duhet të fillojë vetëm pas aprovimit nga Supervizori. Kontraktori duhet të nënshkruajë propozime, detaje, skica, llogaritje, informacione, materiale, certifikata testi, kurdo që të kërkohen nga Supervizori. Supervizori do të pranojë çdo dorëzim dhe nëse janë të përshtatshme do ti përgjigjet kontraktori në përputhje me çdo klauzolë përkatëse të kushteve të kontratës. Çdo pranim duhet bërë me data në marrëveshje me Supervizori dhe duke iu referuar programit të aprovuar dhe kohës së nevojshme që i duhet Supervizorit për të bërë këto pranime.

### **1.2.3 Mostrat**

Kontraktori duhet të sigurojë mostra, të etiketuar sipas të gjitha përshtatjeve, aksesorëve dhe tema të tjera që mund të kërkohen me të drejtë nga Supervizori për inspektim. Mostrat duhen dorëzuar në zyrën e Supervizorit. Vizatimet e punimeve të zbatuara dhe libreza e masave Kontraktori do t'i përgatisë dhe dorëzojë Supervizorit tre grupe të dokumentacioneve të punimeve sipas projektit. Ky material duhet të përmbajë një komplet të vizatimeve të projektit të zbatuar, vizatimet shtesë të bëra gjatë zbatimit të punimeve të aprovuara nga Supervizori, si dhe librezat e masave për çdo volum pune.

## **2 SEKSION 2 PUNIME PRISHJEJE DHE PASTRIMI**

### **2.1 Pastrimi i kantierit**

#### **2.1.1 Mbrojtja e godinave, rrethimeve dhe strukturave.**

Gjatë kryerjes të punimeve prishëse, kontraktuesi duhet të marrë masa që të mbrojë godinat, gardhet, muret rrethues dhe strukturat që gjenden në afërsi të objektit, ku po kryhen këto punime prishëse. Për këtë, duhen evituar mbingarkesat nga të gjitha anët e strukturave nga grumbuj dhe materiale. Kur grumbujt dhe materialet duhen zbritur poshtë, duhet pasur kujdes që të parandalohet shpërndarja ose rënia e materialeve, ose të projektohet në mënyrë të tillë, që mos të përbëjë rrezik për njerëzit, strukturat rrethuese dhe pronat publike të çdo lloji. Kur përdoren mekanizmat për prishje si: vinç, ekskavatorë hidraulik dhe thyer shkëmbinjsh të bëhet kujdes, që pjesë të tyre të mos kenë kontakt me kabllo telefonik ose elektrik. Kontraktori duhet të informojë në fillim të punës autoritetet përkatëse, në mënyrë që, ato të marrin masa për lëvizjen e kabllove.

## **2.1.2 Mbrojtja e vendit të pastruar**

Kontraktori duhet të ngrejë rrjete të përshtatshme, bariera mbrojtëse, në mënyrë që, të parandalojë aksident ime të personave ose dëmtime të godinave rrethuese nga materialët që bien, si dhe të mbajë nën kontroll territorin, ku do të kryhen punimet.

## **2.2 Punime Prishjeje**

### **2.2.1 Skeleritë**

Çdo skeleri e kërkuar duhet skicuar në përshtatje me KTZ dhe STASH. Një skelator kompetent dhe me eksperiencë, duhet të marrë përsipër ngritjen e skelerive që duhet të çdo tipi. Kontraktori duhet të sigurojë, që të gjitha rregullimet e nevojshme, që i janë kërkuar skelatorit të sigurojnë stabilitetin gjatë kryerjes së punës. Kujdes duhet treguar që ngarkesa e copërave të mbledhura mbi një skeleri, të mos kalojë ngarkesën për të cilën ato janë projektuar. Duhen marrë të gjitha masat e nevojshme që të parandalohet rënia e materialeve nga platforma e skelës. Skeleritë duhen të janë gjatë kohës së përdorimit të përshtatshme për qëllimin për të cilin do përdoren dhe duhet të janë konform të gjitha kushteve teknike. Në rastet e kryerjes së punimeve në anë të rrugës ku ka kalim si të kalimtarëve, ashtu edhe të makinave, duhet të merren masa që të bëhet një rrëthim I objektit, si dhe veshja e të gjithë skelerisë me rrjete mbrojtëse për të eliminuar rënien e materialeve dhe duke përfshirë shenjat sinjalizuese sipas kushteve të sigurimit teknik.

**Skeleri çeliku të tipit këmbalec**, konform KTZ dhe STASH, duke përfshirë ndihmën për transport, mirëmbajtje, montim, ankorim, çmontime etj. Në një lartësi mbi 12 m, elementët horizontalë duhet të kenë parmakë vertikalë, më lartësi min.15 cm si dhe mbrojtjen me rrjetë.

**Skeleri çeliku në kornizë dhe e lidhur**, konform KTZ dhe STASH, duke përfshirë ndihmën për transport, mirëmbajtje, montim, ankorim, çmontime etj. Në një lartësi mbi 12 m, elementët horizontalë duhet të kenë parmakë vertikalë, me lartësi min.15 cm si dhe mbrojtjen me rrjetë.

### **2.2.2 Supervizioni**

Kontraktori duhet të ngarkojë një person kompetent dhe me eksperiencë, të trajnuar në llojin e punës për ngritjen e skelerive dhe të mbikëqyrë punën për ngritjen e skelave në kantier.

### **2.2.3 Metoda e prishjes**

Puna për prishje do të fillojë vetëm pasi të janë stakuar energjia elektrike dhe rrjete të tjera të instalimeve ekzistuese të objektit. Metodat e prishjes së pjesshme, duhet të janë të tillë që pjesa e strukturës që ka mbetur të sigurojë qëndrueshmërinë e ndërtësës dhe të pjesëve që mbeten. Kur prishja e ndërtësës ose e elementeve të saj nuk mund të bëhet pa probleme e ndarë nga pjesa e strukturës do të përdoret një metodë pune e përshtatshme. Elementë çeliku dhe struktura betoni të forcuar do të ulen në tokë ose do të prihen

për së gjati sipas gjerësisë dhe përmasave ne mënyre qe te mos bien. Elementët e drurit mund të hidhen nga lart, vetëm kur ato nuk paraqesin rrezik për pjesën tjetër të strukturës. Kur prishen elementët, duhen marrë masa për të mos rrezikuar elementët e tjera konstruktive mbajtës, si dhe mos dëmtohen elementët e tjera. Në përgjithësi, puna e shkatërrimit duhet të fillojë duke hequr sa më shumë ngarkesa të panevojshme, pa ndërhyrë në elementët bazë struktural. Punë të kujdeshme do të bëhen për të hequr ngarkesat kryesore nën kushtet më të vështira. Seksionet të tjera që do të prishen do të transportohen nga ashensorë, pastaj do të ndahanen dhe do të ulen në tokë nën kontroll.

#### **2.2.4 Siguria në punë**

Kontraktori duhet të sigurohet se vendi dhe pajisjet janë :

- a) Të një tipi dhe standarti të përshtatshëm duke iu referuar vendit dhe llojit të punës që do të kryhet
- b) Të siguruar nga një teknik kompetent dhe me eksperience
- c) Të ruajtura në kushte të mira pune gjatë përdorimit

**Gjatë punës prishëse të gjithë punëtorët duhet të vishen me veshje të përshtatshme mbrojtëse ose mjete mbrojtëse si: helmeta, syze, mbrojtëse, mbrojtëse veshësh, dhe bombola frysma marrjeje.**

### **2.3 Prishja e elementëve të godinës**

#### **2.3.1 Prishja e tarracave**

Heqja e shtresave të çfarëdo natyre, duke përfshirë materialin mbushës për dhënie pjerrësie, dhe shtresat që mund të ekzistojnë. Prishje e Shtresës horizontale të hidro- izolimit të tarracës me zhvillime vertikale, edhe në praninë e oxhaqeve, e ndërtuar nga shtresat të mbivendosura letër katrama , duke përfshirë heqjen e kapakëve të parapetit e të çdo pjese metalike dhe vënien mënjanë e spostimin në kantier të materialeve që formohen, si dhe çdo detyrim tjetër për t'i dhënë fund plotësisht heqjes së tarracës. Prishja e suvasë në sipërfaqet vertikale deri në një lartësi të paktën 30 cm, deri në dalje në dukje të muraturës, për vendosjen e shtresave hidroizoluese.

#### **2.3.2 Heqja e pllakave ne sipërfaqet e përbashkëta.**

Në pjesën e korridoreve dhe sheshpushimeve të shkallëve hiqen pllakat dhe shtresat që ngjisnin pllakat. Heqja e pllakave bëhet me kujdes me vegla që nuk krijojnë dëmtim të strukturës mbajtëse. Përllogaritet që  $1 \text{ m}^2$  pllaka hiqet për rrëth 1 orë nga 1 punëtor.

#### **2.3.3 Prishja e mureve të tullës**

Bëhet fjalë për muret ku hapen dritaret, dyert e ballkoneve dhe vetratave të reja të katit përdhe. Ky proces do të bëhet duke treguar kujdes për të mos dëmtuar pjesën tjetër te muraturës të objektit. Te përdoren veglat e përshtatshme si shara e betonit ne mënyre qe te mos dëmtohet struktura ekzistuese. Duhet pasur

parasysh radha punimeve për vendosjen korrekte të arkitrarëve që mund të jenë të derdhur në vend ose të parapërgatitur . Kjo koordinohet me Supervizorin e Objektit.

#### **2.3.4 Prishja e soletave beton arme**

Te prishen soletat e 2 ballkoneve ne anën jugore dhe të shtesës ne anën veriore. Te transportohen materialet, jashtë ambientit të kantierit . Te përdoren veglat e përshtatshme si shara e betonit ne mënyre qe te mos dëmtohet struktura ekzistuese.

#### **2.3.5 Prishja suvasë se jashtme ekzistuese**

Ky process do të zhvillohet në të gjithë sipërfaqen e të katërtave fasadave të objektit. Heqja e suvasë do të bëhet me matrapik me daltë në formë spatule. Goditjet e matrapikut nuk duhen bërë në drejtimin pingul me sipërfaqen e suvasë sepse nga goditja e fortë mund të dëmtojë muraturën e tullës nën suva. Te pastrohen me furçë metalike nga muratura dhe papastërtitë e suvasë ne zonat me lagështire .

Prishja e një  $m^2$  suva është përllogaritur të realizohet në jo më shumë se 0.5 orë duke marrë parasysh që suvaja është me llaç çimento dhe që duhet treguar kujdes gjatë prishjes për të mos dëmtuar muraturën. Rekomandohet shtimi i forcave te punës ne ketë proces pasi sipërfaqja është e konsiderueshme.

Te transportohen materialet, jashtë ambientit të kantierit .

#### **2.3.6 Heqja e dyerve dhe dritareve**

Te hiqen dyert te apartamenteve dhe dritareve. Të realizohet para prishjes së murit, duke përfshirë kasën, telajot, etj.. Te sistemohen materiali brenda ambientit të kantierit dhe, me pas te transportohen materialet, jashtë ambientit të kantierit.

#### **2.3.7 Heqja e konstruksionit metalik**

Te hiqet konstruksiuni metalik i shkallës në anën veriore. Te përdoren veglat e përshtatshme ne mënyre qe te mos dëmtohet struktura ekzistuese. Te sistemohen materiali brenda ambientit të kantierit dhe, me pas te transportohen materialet, jashtë ambientit të kantierit.

#### **2.3.8 Çmontim + Spostim i kondicionerëve**

Ne 3 fasadat ka rreth 30 kondicionerë. Te behet me kujdes dhe me personel te specializuar çmontimi i tyre. Te sistemohen dhe ruhen ne kantier . Te behet gjate punimeve te fasadës instalimi i tyre ne pozicione te kamufluara ne ballkone, ne pjesën e poshtme te tyre kur kondicionerët janë ne fasadat veriperëndimore, jugperëndimore , juglindore. Ndërsa për kondicionerët nga fasada veriperëndimore te instalohen afër kafazit te shkalles e mënyre te rregullt. Tubacionet e instalimit te tyre te jene te reja dhe te kamuflohen nen fasadën kapote. Ne rastet ku është mundur te futen ne muraturë tulle.

### **2.3.9 Çmontim i tendave dhe qepenave**

Të çmontohen tendat në vetrata, dritare dhe ballkone. Te sistemohet materiali brenda ambientit të kantierit dhe, më pas të transportohen materialet, jashtë ambientit të kantierit. Ne katin përdhe mund te behën tenda dhe qepena te reja. Ne çdo rast duhet te ketë dakordësi midis pronareve dhe autoriteteve te bashkisë për ketë gjë. Te zgjidhen modele te unifikuara. Ne preventivin e këtij projekti nuk parashikohen tenda apo qepena te reja.

## **3 SEKSIONI 3 PUNIME BETONI ARMIMI DHE HEKURI**

### **3.1 Betoni i derdhur në vend**

#### **3.1.1 Kërkesa të përgjithshme për betonet**

Betoni është një përzierje e cimentos, inerte të fraksionuara të rërës, inerte të fraksionuara të zhavorrit dhe ujit dhe solucioneve të ndryshme për fortësinë, përshkueshmërinë e ujit dhe për të bërë të mundur që të punohet edhe në temperaturat të ulëta sipas kërkave dhe nevojave teknike të projektit.

#### **3.1.2 Materialet**

##### a. Përbërësit e Betonit

Përbërësit e betonit duhet të përmbajnë rërë të larë ose granil, ose përzierje të të dyjave si dhe gurë të thyer. Të gjithë agregatet duhet të janë pastruar nga mbeturinat organike si dhe nga dheu. Pjesa kryesore e aggregateve duhet të jetë me formë këndore dhe jo të rrumbullakët. Përbërësit e betonit duhet të kenë certifikatën që vërteton vendin ku janë marrë ato.

##### b. Çimento

Kontraktuesi është i detyruar që për çdo ngarkesë çimentoje të prurë në objekt, të paraqesë faturën e blerjes e cila të përbajë: sasinë, emrin e prodhuesit si dhe çertifikatën e prodhuesit dhe shërben për të treguar që çimentoja e se cilës ngarkesë është e kontrolluar dhe me analiza sipas standardeve.

Për më shumë detaje në lidhje me markën e cimentos që duhet përdorur në prodhimin e betoneve, shiko në pikën 4.1.4, pasi për marka betoni të ndryshme duhen përdorur marka çimento të ndryshme.

##### c. Uji për beton

Uji që do të përdoret në prodhimin e betonit duhet të jetë i pastër nga substancat që dëmtojnë atë si: acidet, alkalidet, argjila, vajra si dhe substanca të tjera organike. Në përgjithësi, uji i tubacioneve të furnizimit të popullsisë (uji i pijshëm) rekandohet për përdorim në prodhimin e betonit.

### **3.1.3 Depozitimi i materialeve**

Depozitimi i materialeve që do të përdoren për prodhimin e betonit duhet të plotësojë kushtet e mëposhtme:

- Çimentoja dhe përbërësit duhet të depozitojen në atë mënyrë që të ruhen nga përzierja më materiale të tjera, të cilat nuk janë të përshtatshme për prodhimin e betonit dhe e dëmtojnë cilësinë e tij.
- Çimentoja duhet të depozitohet në ambiente pa lagështirë dhe që nuk lejojnë lagien e saj nga uji dhe shirat.

## **3.2 Elemente dhe nën- elemente betoni**

### **3.2.1 Arkitrarë të derdhur në vend**

Arkitrarët realizohen në të gjithë gjerësinë e muraturës me mbështetje min. 25 cm mbi shpatullat anësore, me lartësi të ndryshme në varësi të hapësirës së dritës, të armuar në mënyrë të rregullt dhe sipas udhëzimeve në projekt, të përgatitur nga beton M 200 dhe M 250, duke përfshirë skelat e shërbimit, kallëpet, përforcimet, hekurin e armaturës dhe çdo përforcim tjetër për mbarimin e punës.

### **3.2.2 Arkitrarë**

Arkitrarë betoni; të armuar në mënyrë të rregullt dhe sipas udhëzimeve në projekt, deri në lartësinë 4 m, i realizuar me betonin të dhënë në vepër, i shtuar në shtresa të holla të vibruar mirë, betoni m-200 me dozim sipas betonit marka 200 me inerte, duke përfshirë skelat e shërbimit, kallëpet përforcimet, hekurin e armaturës si dhe çdo detyrim tjetër për mbarimin e punës.

## **3.3 Hekuri**

### **3.3.1 Materialet**

Përgatitja e çelikut për të gjitha strukturat e betonit dhe komponentët e metalit, që duhen prodhuar në kantier, duke konsideruar çelikun që plotëson të gjitha kërkesat e projektit dhe pa prezencën e ndryshkut, në format dhe përmasat sipas vizatimeve dhe standardeve tekniko legale për bashkin, lidhjen dhe duke e shoqëruar me çertifikatën e prodhuesit për të verifikuar që çeliku plotëson kushtet e kërkua e që nevojiten për punë të tillë dhe duke përfshirë të gjitha kërkesat e tjera jo të specifikuara.

### **3.3.2 Depozitimi në kantier**

Depozitimi i hekurit në kantier duhet të bëhet i tillë, që të mos dëmtohet (shtrembërohet, pasi kjo gjë do të shtonte procesin e punës së paranderjes) si dhe të mos pengojë punimet ose materialet e tjera të ndërtimit

### **3.3.3 Kthimi i hekurit**

- Hekurat duhen kthyer sipas dimensioneve të treguara në projekt.

- Përveç pjesës së lejuar më poshtë, të gjitha shufrat duhen kthyer dhe kthimi duhet bërë ngadalë, drejt dhe pa ushtrim force. Bashkimet e nxeha nuk lejohen.
- Prerja me oksigen e shufrave shumë të tendosshme do të lejohet vetëm me aprovimin e Supervizorit. Shufrat e ambalazhimit nuk mund të drejtohen dhe të përdoren.

### **3.3.4 Vendosja dhe fiksimi**

Hekurat do të pozicionohen siç janë paraqitur në projekt dhe do të ruajnë këtë pozicion edhe gjatë betonimeve. Për të siguruar pozicionin e projektit ata lidhen me tel 1,25 mm ose kapëse të përshtatshme.

### **3.3.5 Mbulimi i hekurit**

Termi mbulimi në këtë rast do të thotë minimumn e pastër të shtresës mbrojtëse ndërmjet sipërfaqes së hekurave dhe faqes së betonit. Mbulimi minimal do të bëhet sipas normave të KTZ.

### **3.3.6 Drejtimi i hekurit**

Një pjesë e hekurit (me diametër më të vogël se 8 mm) transportohet në formë rrotullash. Për këtë, duhet që ai të drejtohet në kantierin e ndërtimit. Drejtimi i tij kryhet me metoda praktike si p.sh. Lidhja e njëre së anë në një pikë fikse dhe tërheqja e anës tjetër me mekanizma të ndryshme. Gjithashtu në poligonë realizohet edhe pararendja për elemente të ndryshme, sipas kërkuesave të projektit. Ky proces pune duhet të kryhet me kujdes dhe nën vëzhgimin e drejtuesit të punimeve.

## **4 SEKSIONI 4 STRUKTURAT METALIKE**

### **4.1 STRUKTURAT METALIKE**

#### **4.1.1 Të dhëna të përgjithshme**

Në projektimin e konstruksioneve prej çeliku, duhen marrë parasysh kërkuesat që pasqyrojnë veçoritë e punës së këtyre konstruksioneve, më anë të udhëzimeve përkatëse në mbështetje të këtyre kushteve teknike. Soliditeti dhe qëndrueshmëria e konstruksioneve prej çeliku duhet të garantohet si gjatë procesit të shfrytëzimit, ashtu edhe gjatë transportimit dhe montimit.

#### **4.1.2 Prodhimi**

Prodhimi i çelikut duhet të jetë bërë nga kompani të licenuara dhe ata duhet të garantojnë për cilësinë si dhe të dhënat (përbërja kimike, karakteristikat e forcës/mbajtëse, etj.) e çelikut. Çeliku që përdoret për konstruksionet mbajtëse, duhet t'u përgjigjet kërkuesave të standardeve dhe kushteve teknike përkatëse dhe të ketë garanci përsa i përket kufirit të rrjedhshmërisë dhe përmbajtjes max. të squfurit dhe fosforit; kurse për konstruksionet e salduara, edhe për përmbajtjen max. të karbonit. Prerja, saldimi si dhe lidhja e elementeve prej çeliku bëhet në kantierin e firmës kontraktuese dhe ata transportohen në kantier ose këto punime mund të bëhen në vendin e punës (në objekt). Sidoqoftë, duhet që punimet para montimit të elementeve të kontrollohen nga Supervizori dhe duhet të protokollohet.



#### **4.1.3 Saldimi**

Përgatitja për saldim përfshin atë që detajet para se të saldohen, të kenë marrë formën e tyre përfundimtare. Po ashtu, buzët dhe sipërfaqet e pjesëve që do të saldohen duhet të përgatiten sipas kërkesave të procedurës së saldimit dhe formave që jepen në pasqyrat 6,7,8 te K.T.Z. 206-80 ose në ndonjë tjetër normë/standarti evropian. Pas saldimit, detajet duhet të trajtohen termikisht për të zvogëluar ndarjet e brendshme, për të mënjanuar të plasurat dhe për të përmirësuar vetitë fiziko-mekanike. Gjatë zbatimit të punimeve për saldimin e çeliqeve duhet të mbahet dokumentacioni teknik më të dhëna për çertifikatën e materialeve të përdorura, ditarin e punimeve, etj.

#### **4.1.4 Lidhja me bulona**

Elementët prej çeliku mund të lidhen/bashkohen edhe më anë të bulonave. Lidhja me bulona duhet t'u përgjigjet normave dhe standardeve bashkëkohore (EC 3 ose ndonjë norme të ngjashme). Kualiteti i bulonave luan një rol të rëndësishëm dhe këto të fundit po ashtu, duhet t'u përgjigjen normave dhe standardeve të lartpërmendura. Më shumë rëndësi është që ata ti plotësojnë kushtet e rezistencës së llogaritjes të bashkimeve me bulona. Lloji i gjendjes së tensionuar dhe grupi i bashkimit, të cilat duhet të përbushin kushtet e nevojshme/kërkura nga normat/standarde janë këto:

- Tërheqja
- Prerja
- Shtypja



Gjatë zbatimit të punimeve për lidhjen me bulona të çeliqeve duhet të mbahet dokumentacioni teknik më të dhëna për çertifikatën e materialeve të përdorura, ditarin e punimeve, etj. Se ç 'mënyre bashkimi (saldimi apo bulonat) do të përdoret, kjo duhet vendosur nga inxhinieri konstruktör sipas nevojës.

#### **4.1.5 Ngritja**

Ngritja e elementeve prej çeliku bëhet sipas planeve të përgatitura nga arkitekti/inxhinieri. Inxhinieri duhet të supervizojë punën e ngritjes. Punonjësit që do të merren me këtë punë duhet të kenë eksperiençë në ngritjen e elementeve prej çeliku.

#### **4.1.6 Mbrojtja nga agjentët atmosferikë**

Mbrojtja e çelikut bëhet në dy mënyra:

- Duke e lyer çelikun me disa shtresa, të cilat e mbrojnë çelikun prej korrozionit. Ajo bëhet duke e lyer, zhytur ose duke e spërkatur me shtresa. Njëra shtresë është baza, kurse shtresa tjetër përdoret edhe si dekorim i elementit dhe mund të ketë ngjyrë të ndryshme. Materiali në të cilin do të vendosen shtresat duhet më parë të përpunohet dhe të jetë i lirë nga pluhuri, vaji si dhe nga ndryshku.

- Shtresë prej metali: kjo mbrojtje është e përhershme. Çeliku duhet zhytur në zink të nxeh të (450 °C) dhe sipërfaqja e tij të jetë e lirë prej pluhurit, vajit si dhe prej ndryshkut. Përmbi atë, mund të vendoset ndonjë shtresë tjetër si dekorim i elementit prej çeliku (si p.sh. bojë).

#### 4.2 Te veçanta

Ne objektin e ndodhur ne kryqëzimin e rrugës se Dibrës me unazën e vogël te Tiranës , për kthimin e fasadave ne gjendje fillestare duhet te shtojmë dy ballkone sipas kërkesave te arkitekturës.

Për realizimin e ballkoneve me strukture metalike kemi përdorur profile metalike, bulloneri, saldime , llamarine te valëzuar dhe shtrese betoni C 16/20 10 cm.

Për kryerjen e punimeve duhet te merren masa teknike ne përputhje me kodin për punimet ne zbatim dhe gjithashtu duhen respektuar rregullat e sigurim teknik ne pune.

Për çdo paqartësi gjate punimeve ti drejtohen grupit te supervizim dhe te projektimit.

##### 4.2.1 KARAKTERISTIKAT E MATERIALEVE

Çelik struktural S275 JR (Struktura primare)

$f_y = 275 \text{ N/mm}^2$

Pesha volumore  $7849 \text{ kg/m}^3$

Moduli i Elasticitetit  $E=210000 \text{ N/mm}^2$

Koeficienti i Puasonit 0.3

Koeficienti i bymimit termik  $\alpha_T = 12 * 10^{-6}$  për  $^{\circ}\text{C}$ .

**Çelik struktural S235 JR (Struktura primare)**

$f_y = 235 \text{ N/mm}^2$

Pesha volumore  $7849 \text{ kg/m}^3$

Moduli i Elasticitetit  $E=210000 \text{ N/mm}^2$

Koeficienti i Puasonit 0.3

Koeficienti i bymimit termik  $\alpha_T = 12 * 10^{-6}$  për  $^{\circ}\text{C}$ .

Bulloneri Grade 8.8

Bulonat e ankorimit Grade 4.8



Llamarine e valëzuar për solete betoni

Solete betoni C16/20

f<sub>c</sub>k = 20 N/mm<sup>2</sup>

Pesha volumore 2450 kg/m<sup>3</sup>

Moduli i Elasticitetit E=290000 N/mm<sup>2</sup>

Koeficienti i Puasonit 0.2

Koeficienti i bymimit termik  $\alpha_T = 12 \times 10^{-6}$  për °C.

Ndalohet rreptësisht lyerja e çeliqeve për betonim me vajra

## 5 SEKSIONI 5 STRUKTURA E NDËRTIMIT

### 5.1 MURET DHE NDARJET

#### 5.1.1 Llaç për muret për 1 m<sup>3</sup> llaç realizohet me këto përbërje:

- Llaç bastard me rërë natyrale lumi (me lagështi, shtesë në volum 20% dhe porozitet 40 % e formuar me rërë në raporte 1: 0, 8 : 8. Gëlqere e shtuar në 110 lt, cimento 300, 150 kg, rërë 1,29 m<sup>3</sup>.
- Llaç bastard marka 25 me rërë natyrale lumi (me lagështi, shtesë në volum 20% me cimento: gëlqere: rërë në raporte 1: 0,5: 5,5. Gëlqere e shuar 92 lt, cimento 300, 212 kg, rërë 1,22 m<sup>3</sup>.
- Llaç bastard marka 15 me rërë të larë (porozitet 35%) e formuar me, cimento, gëlqere, rërë në raport 1: 0,8: 8. Gëlqere e shuar 105 lt, cimento 300, 144 kg, rërë 1,03 m<sup>3</sup>.
- Llaç bastard marka 25 me rërë të larë (porozitet 35%) e formuar me, cimento: gëlqere, rërë në raport 1: 0,5:5,5. Gëlqere e shuar 87 lt, cimento 300, 206 kg, rërë 1,01 m<sup>3</sup>.
- Llaç cimento marka 1:2 me rërë të larë e formuar me cimento, rërë në raport 1:2. Cimento 400, 527 kg, rërë 0,89 m<sup>3</sup>.

#### 5.1.2 Specifikimi i përgjithshëm për tullat

Tulla si element i ndërtimit duhet të plotësojë kushtet e mëposhtme për ndërtimet antisizmike:

- Rezistencën në shtypje, e cila duhet të jetë: për tullën e plotë 75 kg/cm<sup>2</sup>; për tullat me vrima 80 kg/cm<sup>2</sup>; për sapet 150 kg/cm<sup>2</sup>.
- Rezistencën në prerje, e cila duhet të jetë: për të gjitha tullat me brima 20 kg/cm<sup>2</sup>.
- Përqindjen e boshllëqeve, e cila duhet të jetë: për tullën e plotë 0-25 %; dhe për të gjitha tullat me brima 25-45 %

- Trashësia e mishit perimetral dhe të brendshëm për tullat e plota, të mos jetë më e vogël se 20 mm dhe për të gjitha tullat me brima, trashësia e mishit perimetral të mos jetë më e vogël se 15 mm dhe e mishit të brendshëm, jo më e vogël se 9 mm.
- Sipërfaqja e një brime të mos jetë më e madhe se  $4.5 \text{ cm}^2$ .
- Ujë thithja në përqindje duhet të jetë nga 15 – 20 %. 5.1.3

#### **5.1.3 Mur me tulla të plota 25 cm**

Muraturë me tulla të plota mbajtëse në lartësi deri 3 m, realizohet më llaç bastard m-25, sipas pikës 5.1.1 me përbajtje për m<sup>3</sup>: tulla të plota nr. 400, llaç bastard m3 0.25, çimento 400, për çdo trashësi muri, duke përfshirë çdo detaj dhe kërkesë për dhëmbët e lidhjes, qoshet, parmakët, skelat e shërbimit ose skelerinë, si dhe çdo gjë tjetër të nevojshme për mbarimin e muraturës dhe realizimin e saj. Për muraturën e katit përdhe, sipërfaqja e xokolit duhet të jetë e niveluar me një shtresë llaçi çimento 1:2 me trashësi jo më të vogël se 2cm.

#### **5.1.4 Mur me tulla të lehtësuara**

Muraturë me tulla të lehtësuara, në lartësi deri 3 m, realizohen me Llaç bastard m-15 sipas pikës 1.3, me përbajtje për m<sup>3</sup>: tulla të lehtësuara nr. 80, Llaç bastard m3 0.22, çimento 400, për çdo trashësi, duke përfshirë çdo detaj dhe kërkesë për dhëmbët e lidhjes, qoshet, hapjet në parapetet e dritareve, skelat e shërbimit ose skelerinë, si dhe çdo gjë tjetër të nevojshme për mbarimin e muraturës dhe realizimin e saj. Për muraturën e katit përdhe, sipërfaqja e xokolaturës duhet të jetë e niveluar me një shtresë llaçi çimento 1:2 me trashësi, jo më të vogël se 2 cm.

## **6 SEKSION 6 PUNIME TARRACE**

### **6.1 Tarraca**

- Formim i pjerrësive mbi sipërfaqen plane me një Shtresë izoluesi termik me trashësi te ndryshme, për te pasur një pjerrësi sipas udhëzimeve ne projekt, e realizuar me “peno beton” me dozim për m<sup>3</sup> : çimento 400 kg 280, ngjitës sintetik kg 0,6 , sode kaustike kg 0,07, gome kg 0,4 , e vene në vepër me derdhje. Kësaj shtrese i jepet pjerrësi 2%. Spesori minimal duhet te jete 5cm.
- Shtrese termizolimi 10 cm me polistiren XPS e vendosur me panele 60mmx1250mm. Koeficienti i përcjellshmërisë termike 0.038 (W/mK). Rezistenca në shtypje 300 (kPa)
- Shtrese hidro-izoluese, mbi sipërfaqe te thare dhe të niveluar si me sipër , duke përfshire pjesën vertikale, trajtuar me një dore praimeri, e përberë nga dy membrana guaine te formuar nga një Shtresë fibre prej leshi xhami e bitumi, me trashësi 3 mm secila, te vendosura në vepër me flake, te kryqëzuara mbi sipërfaqe te rrafshet, te pjerrët ose vertikale, deri poshtë kopertines, përfshire mbivendosjen e lidhjeve ( minimumi prej 12 cm),punët e përkohshme për te gjithë kohëzgjatjen e punës , e përberë nga strukture druri ose hekuri dhe sipër saj me një pëlhure te papërshkrueshme ose te ngjashme per mbrojtjen nga shiu, qe do te aplikohet ne sipërfaqen mbi te cilën po punohet ,

- si dhe heqjet, spostimet, mbërthimet etj., si dhe çdo detyrim tjetër te nevojshëm për ti dhënë fund punës ne mënyre perfekte.
- d. Shtresë 60mm zall lumi granulometri 8-15mm ngyre te zbardhur për përthyerjen e rezatimit diellor.
  - e. Veshja e parapeteve me llamarine te zinkuar 2mm përfshire kapëset, përforcimet, dhe çdo gjë tjetër te nevojshme për ti dhënë fund punës dhe per ta realizuar atë ne mënyre perfekte.

## 6.2 ULLUQET VERTIKALE

Ulluqet vertikale të çatisë dhe tarracës të përbëra prej xingato me një trashësi minimale prej 0.6mm dhe diametër 10cm. Secila nga këto ulluqe vertikale do t'i shërbejë një zonë të çatisë ose të tarracës jo më të madhe se 80 m<sup>2</sup>.

Tubat e ulluqeve vertikale do të pozicionohen në pjesën e jashtme të godinës duke përdorur aksesorët e përshtatshëm prej xingato dhe do të fiksohen në mure çdo 2cm.

Uji prej tarracës do të mblidhet duke përdorur tubat e xingatos me pjerrësi 1% përkundrejt kasetës së shkarkimit, në përputhje me skicat.

Pjesa e fundit e ulluqeve vertikale prej 2ml do të bëhet me tuba prej çeliku, ku pjesa e fundit do të formojë këndin 90 gradë dhe duhet të jetë e fiksuar nëpërmjet aksesorëve të përshtatshëm.



## 7 SEKSIONI 7 RIFINITURAT

### 7.1 Rifiniturat e mureve

Pas përfundimit të punimeve të tarracës njëkohësisht dhe me instalimet elektrike dhe ato do të vazhdojnë suvatimet e brendshme dhe ato të jashtme

#### 7.1.1 Suvatim i brendshëm

Fillimi i sipërfaqjet e mureve duhet të pastrohen nga papastërtitë dhe pluhurat. Stukim dhe sistemim i sipërfaqeve ku është e nevojshme, për suvatime për nivelimet e parregullsive, me anë të mbushjes me llaçi bastard me më shumë shtresa dhe copa tullash n.q.s. është e nevojshme, edhe për zonat e vogla si dhe çdo detaj tjetër për ta përfunduar plotësisht stukimin. Përpara se të hidhet sprucimi duhet që sipërfaqja që do të suvatohet të laget mire me ujë. Sprucim i mureve dhe strehëve, me llaç cimentoje të lëngët për përmirësimin e ngjitjes së suvasë dhe ri forcimin e sipërfaqeve të muraturës, duke përfshirë skelat e shërbimit dhe çdo detyrim tjetër për ta përfunduar plotësisht sprucimin. Suvatim i realizuar nga një shtresë me trashësi 2 cm llaçi bastard m-25 me dozim për m<sup>2</sup>: rërë e larë 0,005 m<sup>3</sup>; llaç bastard 0.03 m<sup>3</sup>; cimento 400, 7.7 kg; ujë, i aplikuar me paravendosje të drejtuesve në mure (shirit me llaç me trashësi 15 cm çdo 1


deri në 1,5 m ), dhe e lëmuar me mistri e bërdaf, duke përfshirë skelat e shërbimit si dhe çdo detyrim tjetër për ta përfunduar plotësisht suvatimin.

### 7.1.2 Veshje fasade me sistem izolimi termik "Kapote"

Vendosja e një izolimi termik për fasadat Kapote, përfshin miratimin total dhe zbatimin e një "sistemi" të plotë me të gjitha komponentët shtesë dhe të aplikuar sipas metodave operative dhe kodeve të praktikës të përcaktuara nga prodhuesi. Të gjitha materialet dhe përbërësit e përdorur (shtresë bazë, llaç ngjitës, element izolues, llaç zbutës, rrjetë për përforcim, shtresë mbarimi, pajisje, etj.) duhet të jenë pjesë e të njëjtë sistemi, në përputhje me certifikimet ISO 9000/14000 (UNI-EN 29000/ UNI-EN 14000) dhe me markim **CE**.

Sistemi i izolimit termik për fasadat e karakterizuar nga përdorimi i llaçrave organike pa çimento, të gatshëm për përdorim, me një modul elastik  $E < 1000 \text{ N} / \text{mm}^2$ . Sistemi ofron rezistencë të madhe ndaj formimit të

çarjeve dhe mikrokrisjeve, rezistencës së konsiderueshme ndaj mikroorganizmave dhe formimit të algave dhe kërpudhave në fasadë.



1. Tulle Ekzistuese
2. Kolle për ngjitjen e polisterolit
3. Panel polisterol kompakt 5cm
4. Shtrese për nivelimin dhe fiksimin e rrjetës
5. Rrjete përforcuese me Fibra Xhami
6. Nivelim mbi rrjete
7. Suva Grafiato
8. Panel Polisterol Kundër ujit i vendosur deri 35 cm mbi nivelin e trotuarit

Sistemi i izolimit termik duhet të bëhet në një nënshtrese të pastër, mbajtëse, të thatë dhe të sheshtë. Lidhja e pllakave izoluese duhet të kryhet sipas sistemit të "pika-perimetrit" në një sipërfaqe të barabartë me të paktën 40% dhe fiksimin me gozhda plastike. Vendosni pllakat ngjitur me njëra tjetrën dhe të sfazuara rreshtat nga njeri tjetri ; mbushni nyjet më të mëdha se 2 mm me shkumë dhe pastaj niveloni sipërfaqen.

Përpara aplikimit të fletëve izoluese, përgatitja e nënshtresës duhet të përfundohet në mënyrë profesionale, e cila konsiston në heqjen e plotë të suvasë, bojes dhe / ose veshjeve plastike, që duhet të kryhet me fërkim dhe /ose larje me ujë me presion , për të sjellë strukturën mbështetëse në jetë. Më pas do të jetë e

nevojshme të vazhdohet me rikuperimin, rehabilitimin dhe rindërtimin e pjesëve të dëmtuara, çdo ndryshim i planariteti në një tolerancë prej  $\pm 5$  mm.

Konsolidimi i mesëm i nënshtresës duke aplikuar shtresë me baze akriliku të përforuar me bazë Siloxane, që përmban polimer shpërhapës, pigmente minerale, ujë, glikolether, aditivë dhe konservues. Praimeri duhet të ketë një fuqi të mirë penetrimi dhe një efekt të lartë hidrofobik dhe do të duhet të rregullojë fuqinë absorbuese të mbajtëseve.

Pllakat izoluese, me një trashësi prej 50 mm, duhet të bëhen prej polistiren të zgjeruar (XPS) të sintetizuara sipas EN 13163, me përmasa 1000x500 mm, që nuk përbajnjë CFC dhe HCFC dhe nuk i nënshtrohen tkurrjes, me përcueshmëri termike te llogaritur 0.035 W / (mK).

Për lidhjen, do të përdoret ngjitës mineral, që përbajnjë çimento, hidroksid kalciumi, pluhur polimer, rërë, aditivë, klasë CS IV sipas EN 998-1.

Në kornizat e dritareve, davancalet e dritareve, mbulesave në përgjithësi, sa herë që pllaka izoluese është e lidhur me elementë të tjerë, një shirit izolues i papërshkueshëm nga uji, i bërë me sasi te bollshme shkume të butë, duhet të vendoset në buzë të panelit.

Profilet standarde të këndit do të jenë të tipit të parapërgatitur me një shirit të rrjetë me fibra qelqi që shërben si armature te suvasë se hollë, me gjatësi të anëve 11 x 22 cm.

Llaçi i përforcimit është organik, pa çimento dhe i pa djegshëm, përmban polimer shpërhapës, kuarc, hidroksid alumini, karbonat kalciumi, pudër, shtesa te shkëmbit basaltik, do të jetë i paketuar dhe i gatshëm për përdorim për të shtuar vetëm ujë për ta sjellë atë në konsistencën e përpunimit.

Në llaçin e përforcuar, do te futet rrjeta e armaturës, e bërë nga fibra xhami rezistent ndaj alkaleve, pa plastifikues, i karakterizuar nga rezistencë të lartë ndaj deformimeve të vogla, në mënyrë që të luftohet efektshmërisht shfaqja e dëmtimeve në suva, me tendosje ne thyerje më të madhe se ose e barabartë me 2.8%, me peshë prej 160 g / m<sup>2</sup>, gjërsia e rrjetë 6 x 6 mm, rezistenca në tërheqje në kushtet e shpërndarjes sipas EN ISO 13934-1 së paku 1750 N / 50 mm.

Kujdes duhet pasur për të mos dëmtuar rrjetën gjatë përpunimit. Duhet te parashikohen veçmas, mbrojtëset e këndeve, pikoret dhe profilet buzë, rrjetë për përforcim për zonat e ekspozuara ndaj dëmtimit vandal, përforcimet në qoshet e hapjeve (dyert dhe dritaret, mbulesat dhe panelet etj).

Suva përfundimtare (grafiato) do të jetë me një lidhës silikoni rrëshirë, me një strukturë të plotë, me një përshkueshmëri të lartë ndaj avujt e ujit dhe dioksidit të karbonit, shumë i qëndrueshëm ndaj ujit, me një film rezistent dhe mbrojtës kundër formimit të algave dhe kërpudhave. Ajo do të përbëhet nga një polimer

shpërndarës, emulsioni siloksan rrëshirë, dioksid titaniumi, karbonat kalciumi, hidroksid alumini, miell fosil, mbushës silikat, ujë, përbërës alifatik, glycoleter, aditivë dhe konservues.

### **7.1.3 Lyerje me bojë hidroplastike importi cilësi e pare**

Përpara fillimit të punimeve, kontraktori duhet ti paraqesë për aprovim Supervizorit, markën, cilësinë dhe katalogun e nuancave të ngjyrave të bojës, që ai mendon të përdorë. Të gjitha bojërat që do të përdoren duhet të zgjidhen nga një prodhues që ka eksperiencë në këtë fushë. Nuk lejohet përzierja e dy llojeve të ndryshme markash boje gjatë procesit të punës. Hollimi i bojës duhet të bëhet vetëm sipas udhëzimeve të prodhuesit dhe aprovimit të Supervizorit. Furçat, kovat dhe enët e tjera ku mbahet boja duhet të jenë të pastra. Ato duhet të pastrohen shumë mirë përpara çdo përdorimi sidomos kur duhet të punohet me një ngjyrë tjetër. Gjithashtu, duhet të pastrohen kur mbaron lyerja në çdo ditë. Personeli që do të kryejë lyerjen, duhet të jetë me eksperiencë në këtë fushë dhe duhet të zbatojë të gjitha kushtet teknike të lyerjes sipas KTZ dhe STASH. Lyerja me bojë hidroplastike importi cilësi e pare e sipërfaqes. Para lyerjes duhet të bëhet mbrojtja e sipërfaqeve që nuk do të lyhen (dyer, dritare, etj.) me anë të vendosjes së letrave mbrojtëse. Në fillim të procesit të lyerjes bëhet paralyerja e sipërfaqeve të pastruara mirë me gëlqere të holluar (astari). Në fillim bëhet përgatitja e astarit sipas përzierjes se rekomanduar nga furnizuesi. Me përzierjen e përgatitur bëhet paralyerja e sipërfaqes vetëm me një dorë. Në raste të veçanta përgatitet një dorë solucion lidhës e formuar me rrëshirë të hollë me 50 % ujë dhe e zbatuar me penel ose rulon mbi mure. Më pas vazhdohet me lyerjen me bojë. Lyerja bëhet me dy duar me boje në një distance kohe të nevojshme për tharje të dorës së parë. Sipërfaqja të jetë uniforme dhe pa njolla. Ngjyra dhe ndërthurja e tyre do të përcaktohet nga një konsulentë me projektuesit, e cila do te miratohet nga Investitori.

### **7.1.4 Lyerje me boje vaji**

Do te lyhen me boje vaji tubat e ballkoneve. Para lyerjes duhet te behet stukim dhe lëmim të elementeve prej hekuri me stuko te përshtatshme për përgatitjen e sipërfaqeve për lyerjen me bojë vaji.

Lyerje e elementeve prej hekuri, me boje te përgatitur me një dore antiruxho ne formën e vajit sintetik, me dozim për  $m^2$  kg 0.080.

Lyerje me boje vaji sintetik, metalike dhe patinim, me dozim per  $m^2$ : boje vaji kg 0,2 dhe me shume duar për te pasur një mbulim te plote dhe te mire te sipërfaqeve si dhe çdo gjë te nevojshme per mbarimin e plote te lyerjes me boje vaji ne mënyre te plote.

### **7.1.5 Veshja e jashtme me pllaka te glazuruara mozaik.**

Do te vishen me pllaka te glazuruara mozaik sipërfaqet ne pjesën e ballkoneve dhe brezave ku me pare kane qene pllakat e verdha. Plakat duhet te jene importi dhe te kontraktori ka detyrim te tregoje 4 mostra për aprovim te Projektuesi , Investitori dhe Surpevizori

Përsa i takon ngjitjes të pllakave të tipeve të ndryshme me llaç/koll, duhet që punimet t'u përbahen këtyre kushteve:

- Baza në të cilën ngjiten pllakat e tipeve të ndryshme, duhet të jetë e pastër nga pluhuri dhe të jetë e qëndrueshme.
- Përbërja e llaçit është e njëjtë siç është e përshkruar më lart në pikën. Trashësia e llaçit duhet të jetë jo më pak se 15 mm.
- Ngjitia e pllakave me kollë, bëhet kur sipërfaqja e bazës mbajtëse është e drejtë. Kolli vendoset sipas nevojës me një trashësi prej 3 mm deri në 15 mm.
- Të gjitha kriteret e lartpërmendura, të cilat duhet ti plotësojë llaçi, vlejnë edhe për kollin.
- Mbasi të thahet llaçi ose kolli, duhet që fugat e planifikuara, të mbushen me një material të posaçëm (bojak).
- Fugat nëpër qoshe dhe lidhje të mureve duhet të mbushen me ndonjë masë elastike (si p.sh. silikoni).
- Për secilën sipërfaqe  $30\text{ m}^2$  të veshur me pllaka të ndryshme, është e nevojshme vendosja e fugave lëvizëse.

### **7.2 Davancalet e dritareve dhe pragjet e dyerve mermeri**

Davancalet e dritareve janë mermer me trashësi 30mm dhe me detajin e pikores se kullimit te ujit, sipas udhëzimeve të supervizorit. Pragjet e dyerve do te jene mermer me trashësi 20mm. Pragjet dhe davancalet do të kenë kënde të mprehta dhe çdo detyrim tjetër përfundimin e punës.

## **8 SEKSION 8 DYER DRITARE VETRATA**

### **8.1 Dritare dhe Vetrata**

#### **8.1.1 Dritare PVC**

Dritaret PVC dote përbehen nga:

- Kase PVC(me gjerësi 58mm) do te jete e fiksuar ne mur me fasheta hekuri te përshtatshëm përparr suvatimit. Kornizat PVC dote jene te pajisura me mentesha dhe bllokuesit e ankoruar.
- Korniza e dritares PVC do te vidhoset me kasën mbas punimeve te suvatimit dhe bojatisjes.
- Kanate me xham te hapshëm (4 mm e trashe kur është transparent dhe 6 mm te trashe kur janë te përforuar me rrjet teli ose dopio xham) e do te fiksohen me dritaren ne tre pika te ankoruara doreza dhe bllokuesit.
- Ulluqe te mbledhjes se ujit.
- Rrota për rrëshqitjen e tyre dhe korniza e grilave.
- Përforcues hekuri i galvanizuar.
- Ulluk prej gome. Doreza dhe bllokues te ankoruar ne te.
- Ngjitës special leshi për izolimin

Furnizimi dhe vendosja e dritareve siç përshkruhet në specifikimet teknike me dimensione të dhëna nga kontraktori, përbëhen nga material PVC profilet e të cilit janë sipas standardeve Europiane ISO EN 9002. Ngjyra e dritares do të jetë sipas kërkesës përcaktive të projektuesit. Dritaret rrëshqitëse të PVC duhet të sigurojnë izolim me anë të një gome dhe adaptues në lidhje me kornizën. Boshllëku brenda xhamit dopio duhet të jetë 16-24mm. Sistemet e dritareve PVC duhet të sigurojnë në mënyrë perfekte izolimin nga ajri dhe uji. Ato duhet të sigurojnë një rezistence nga uji nën 500Pa (të barazvlefshme me shpejtësinë e erës prej 150km/orë). Testet për këtë duhet të j

enë në përputhje me DIN 18055. Koeficenti I konduktivitetit termal duhet të jetë 1.8 W (m<sup>2</sup>K) e cila. Në lidhje me izolimin e zërit, dritaret prej PVC duhet të sigurojnë izolim ndaj tingujve deri në shkallën 4 (>40dB). Korniza fikse e dritares (ndarjet) do të ketë një dimension 74-116mm. Ato janë të siguruar me elemente, që shërbejnë për vendosjen dhe ankorimin në strukturat e murit si dhe pjesët e dala që shërbejnë për rrëshqitjen e skeletit të dritares. Forma e profilit është tubolare me qëllim që të mbledhë gjithë aksesorët e saj. Profili i skeletit të dritares do të jetë me përmasën 25 mm e cila do të mbulohet nga profili kryesor qe do të fiksohet në mur. Të dyja korniza fikse ose të lëvizshme janë projektuar dhe janë ndërtuar me fugë ajri që shërben si thyerje termike. Ato duhet të ofrojnë zbatim të Standarteve Europiane të vendosjes së xhamit (Xham tek 4-6mm, xham dopio 16-24mm, xham tresh 24-28 mm), me kullues uji me mbledhës uji, me inklinim 2 gradë për të siguruar kullim uji perfekt, mbylli perfekte nga mbyllësit qendror, trashësi muri që arrin EN (t-3.1mm), izolim për erën dhe shiun ulluk unik I projektuar për të ndihmuar instalimin e materialeve të gomuar, që shërbejnë për këtë qëllim. Karakteristikat e ngjitetit kundër agjentëve atmosferike duhet të janë të provuar nga një testim i certifikuar i bërë, nga prodhuesit e kornizës së dritares ose nga prodhuesit e profileve. Panelet e xhamit (4mm të trasha kur xhami është transparent dhe 6 mm të trasha kur janë të përforcuara me rrjet teli). Sipas kërkesës së investitorit, dritaret prej PVC mund të janë me xham dopio (16-24mm) ose xham tresh (24-28mm). Të gjitha punët e lidhura me muraturën dhe të gjitha kërkesat e tjera për kompletimi e punës duhet të bëhen me kujdes. **Një model i materialeve të propozuara duhet te shqyrtohet nga supervizori për një aprosim paraprak.**

### 8.1.2 Vetrata xhami te temperuara

Vetratat përdoren ne katin përdhe për ambientet e shërbimeve. Përbëhen nga material alumini profilet e të cilit janë sipas standarteve Europiane dhe janë profile të lyera përparrë se të vendosen në objekt. Ngjyra e tyre do të jetë sipas kërkesës së investitorit. Korniza fikse e vetratave do të ketë një dimension që do të përcaktohet me miratimin e supervizorit. Ato kanë elemente që shërbejnë për vendosjen dhe ankorimin e vetratave në strukturat e murit. Forma e profilit të vetratave është tubolare me qëllim që të mbajë gjithë aksesorët e saj. Profili i skeletit të vetratës do të jetë me

dimensione jo më pak se 25 mm që profili kryesor që do të fiksohet në mur të jetë i zbuluar. Profilet e kornizave të lëvizshme kanë një dimension thellësia 32 mm dhe lartësia 75 mm të sheshta ose me zgjedhje ornamentale. Të dyja korniza fikse ose të lëvizshme janë projektuar dhe janë bërë me dy profile alumini të cilat janë bashkuar me njëra tjetrën dhe kanë një fugë ajri që shërben si thyerje termike, ato janë të izoluara nga një material plastik 15 mm. Fiksimi i vetratave me kontrotelajo solide do të bëhet me kujdes me fashetat e hekurit për tek muri me llaç (me tapa me filete). Vendosja (fiksimi i vetratës) duhet të ketë një distancë të preferueshme nga qoshja e kornizës jo më shumë sesa 150 mm dhe midis tyre jo më shumë se 800 mm. Skeleti i fiksuar i vetratës do të vidhoset me telajon pas përfundimit të suvatimit dhe bojatisjes. Kanate të hapshëm me xama do të vendosen me mentesha në skeletin e vetratës dhe do të pajisen me bravë mbyllëse dhe dorezë. Ngjitja dhe mbushja midis kasave dhe përbërjes së ndërtësës do të kryhet duke përdorur materiale elastikoplastike, mbas mbylljës së çdo të çarë me materiale izoluese. Midis brendësisë së kornizës suportuese të hekurit dhe kornizës së jashtme fikse të aluminit është e preferueshme të ruash një tolerancë instalimi prej 6mm, duke konsideruar një dalje të hapësira fiksuese prej rreth 2 mm. Toleranca dimensioneve dhe trashësia do të jenë sipas standardeve Europiane. Panelet e xhamit do të jenë te fiksuar në skeletin metalik me anë të listelave të aluminit në profilet metalike të vetratës dhe të shoqëruara me gomina. Të gjitha punët e lidhura me muraturën dhe të gjitha kërkesat e tjera për kompletimin e punës duhet të bëhen me cilësi.

## 8.2 Dyer

Dyert janë dy lloje. Një e jashtme për hyrjen e banoreve ne pallat dhe lloji tjetër qe do përdoret për hyrjen ne çdo apartament.

### 8.2.1 Dere e jashtme e blinduar

Furnizimi dhe instalimi i dyerve të jashtme të blinduara do të bëhet sipas dimensioneve të dhëna nga Kontraktori. Këto dyer duhet të jenë dyer metalike të siguruara me elementë të tjerë blindues që shërbejnë për të bërë sigurimin e plote të objektit. Dyert e blinduara duhet të jenë të trajtuara me mbulesë mbrojtëse të drunjët.

Dyert e blinduara përbëhen nga këto pjesë kryesore:

- Një kasë metalike që fiksohet në mur me anë të ganxhave të çelikut ose me anë të betonimit në mur përpëra suvatimit. Kasa metalike duhet të lyhet me bojë metalike kundra korrozionit para se të montohet në objekt. Madhësia e saj është në varësi të trashësisë së murit ku do të vendoset. Trashësia e fletëve të çelikut të kasës duhet të jetë minimalisht 1,5 mm. Gjerësia e pjesëve anësore të kasës duhet të jetë minimalisht 10 cm kurse gjerësia e pjesës qendrore është në varësi të gjerësisë së murit dhe llojit te derës. Fletët e çelikut të kasës duhet të kthehen ose të saldohen sipas Kushteve Teknike të Zbatimit

- Një kanatë e derës së blinduar që fiksohet tek kasa e dhënë më sipër pas suvatimit dhe lyerjes. Për dyert e dhëna në Vizatimet Teknike, korniza do të sigurohet me mentesha dhe ankerat e çelësit gjatë instalimit të pjesëve hapëse të derës. Në këtë kanate do të vendosen elementet e sigurisë si dhe të gjithë aksesorët e nevojshëm të saj.
- Shufrat metalike të sigurisë të cilat montojen në brendësi të kanatës do të janë me diametër minimal prej 16 mm të cilat vendosën në distancë midis tyre minimalisht 30 cm. Ato duhet të saldohen në kornizën metalike të kanatit të derës së blinduar sipas kushteve teknike të zbatimit gjatë prodhimit të tyre.
- Materiale mbrojtëse termoizoluese të vendosur ndërmjet shufrave, polisteroli me trashësi minimale  $t = 3$  cm. Vendosja e termoizoluesit duhet të bëhet pas saldimit të shufrave metalike dhe përfundimit të punimeve të prodhimit të kornizës metalike të derës.
- Dera metalike mund të jetë veshur me llamarinë me trashësi jo me të vogël se 2 mm ose me mbulesa të drunjta me trashësi 2-3 mm (një nga çdo anë).
- Dy tabakë llamarine me trashësi 2 mm (një nga çdo anë). Përmasat do të janë në varësi të madhësisë së derës së përcaktuar nga Kontraktori.
- Dy Mbulesat e drunjta me trashësi 2-3 mm (një nga çdo anë). Përmasat do të janë në varësi të madhësisë së derës së përcaktuar nga Kontraktori. Mbulesat mund të janë të rrafshëta ose me gdhendje. Ngjyra dhe modeli i tyre do të përcaktohet nga Supervizori para se të vendosen në objekt.
- Bravat e sigurisë së lartë së bashku me tre kopje çelësi sekrete si dhe aksesorët e nevojshëm për instalimin e tyre. Bravat duhet të janë tip Cilindrike, me shasi prej çeliku dhe kasë të fishekut të kyçjes në plate zinku, me 5 cilindra tip kunash, me garanci mbi 150 000 cikle jete, me thellësi të fishekut të kyçjes 12,5 mm dhe me trashësi të mbulesës prej 2mm. Gjuza duhet të jetë prej çeliku ose bronzi. Bravat duhet të janë të kyçshme në grup dhe në një kombinim të thjeshtë për përdorim familjar.
- Ato duhet të janë të zbatueshme për çelësat sekrete sipas standartit, por mund të janë të zbatueshme edhe për mundësi të tjera të çelësave.

Dyert e blinduara duhet të janë të kompletuara me mentesha (të paktën 3 për çdo pjesë hapëse) në tre pika ankorimi.

Dyert duhet të janë të pajisura me dorezat përkatëse, me butonin shtytës në dorezën e brendshme që kyç dorezën e jashtme. Dorezat duhet të janë plotësisht të kthyeshme nga ana e djathtë ose e majtë e derës.

Doreza e jashtme duhet të jetë gjithmonë aktive ndërsa kthimi i dorezës së brendshme ose çelësit të bëje çkyçjen e fishekut. Çdo Dorezë duhet të veproje tek fisheku përvèç rastit kur doreza e jashtme është e myllur nga brenda.

Gjithashtu dyert mund të janë të pajisura me një sy magjik për pamje nga të dy anët e derës. Kasa ku vendosen pjesët hapëse, duhet të lyhet me bojë të emaluara transparente përparrë vendosjes së kanatit të derës.

Mbyllja anësore në dyert e veshura me fletë druri bëhet me shirita solide druri të cilat vendosen përreth perimetrit të derës, punë e cila duhet të bëhet sipas të gjitha kërkesave të duhura teknike që duhen për kompletimin e kësaj pune.

Të gjitha punët e lidhura me instalimin dhe vendosjen e tyre në objekt duhet të bëhen dhe sipas kërkesave teknike të supervizorit dhe të projektit. **Një model i derës së blinduar duhet ti jepet për shqyrtim supervizorit për një aprovim para se të vendoset në objekt.**

### 8.2.2 Dere e jashtme e blinduar me doreze antipanik

Është dere që shërben për hyrjen e banoreve ne pallat. Ka këto karakteristika:

- Hapje me 2 kanata. Njëra e lëvizshme dhe tjetra fiksë me lloz.
- Doreze antipanik. Kjo ne rast emergence. Drejtimi i hapjes është për nga jashtë objektit.
- Brave me hapje elektrike për hapje ne distance lidhur me sistemin e citofonise (jo te parashikuara ne preventiv te këtij projekti. Kjo behet ne bashkëpunim me banoret e pallatit ne baze te kërkesës se secilit)

Karakteristikat e tjera janë te njëjtë me dyert e blinduara te përshkruara ne pike. 8.2.1

## 9 SEKSION 9 PUNIME TERRITORI

### 9.1 Trotuare

#### 9.1.1 Nën-baza dhe baza

Nën baza nënkupton truallin mbi të cilën do të vendoset baza dhe shtrimi i rrugës. Baza duhet ti plotësojë nevojat dhe kushtet e punimeve të dheut si janë të përshkruara në zërin 6 (3.1). nën baza duhet të rrafshohet dhe të ngjeshet me një tolerancë maksimale prej +/- 3 cm. Duke e punuar nën bazën duhet marrë parasysh edhe pjerrësia. Baza është shtresa mbajtëse ë rrugës. Ajo duhet të punohet në këtë mënyrë: Pasi të hiqet dheu me një thelli si përafërsisht prej 30 cm (deri në nen bazën), ai duhet mbushur me një material zhavorr 0/32 mm deri në 0/56 mm. Materiali do të vendoset në shtresa dhe do të ngjeshet mirë. Pjerrësia prej më së paku 1 % duhet të mbahet edhe gjatë vendosjes së bazës.

#### 9.1.2 Shtrimi

Gërmimi i për trotuare duhet te behet me se pakti 30 cm. Shtrimi i trotuareve preferohet të bëhet me pllaka betoni si dhe beton monolit. Këto punë do të bëhen në këtë mënyrë:

Përmbi bazën do të vendohet një shtresë rëre me një trashësi maksimale prej 5 cm mbi të cilën do të vendosen pllakat e gurit. Shtresa e rërës duhet të jetë me kokrriza 2/5 mm deri 0/4 mm. Ajo do të rrafshohet dhe mbi atë duhet të vendosen pllakat e gurit ose betonit.

Mbas vendosjes së pllakave ata me një makinë të posaçme do të tunden në a ë mënyrë që të arrihet një rrafshësi perfekte. Më në fund fugat e pllakave do të mbushen me një rërë të imët 0/1 mm në atë

mënyrë që pllakat të lidhen më së miri njëra me tjetërën dhe të përforcohet/stabilizohet shtresa e pllakave të gurit ose betonit.

Karakteristikat e pllakave të gurit dhe betonit duhen marrë prej prodhuesve. Ato varojnë si në trashësi ashtu edhe në dimensionet e tjera. Po ashtu edhe ngjyrat e tyre janë të ndryshme. Arkitekti/Supervizori së bashku me klientin duhet të bien në marrëveshje.



## 10 PUNIME ELEKTRIKE

### 10.1 Te përgjithshme

Punimet qe përbahen ne projekt i përkasin furnizimit dhe vënies ne pune te impianteve elektrike te nevojshëm dhe realizimin e instalimeve elektrike te objektit.

Objekti i këtij relacioni teknik janë dhe normat dhe përshkrimet qe lidhen me furnizimin dhe vënien ne pune te pajisjeve dhe aksesoreve te nevojshëm, për realizimin e këtyre impianteve te ndara si me poshtë:

- Impianti i furnizimit me energji elektrike.
- Kuadri elektrik.
- Impianti i furnizimit te kuadrit.
- Impianti i ndriçimit

#### 10.1.1 KONFIGURIMI I IMPIANTEVE

Konfigurimi i impianteve është ofruar nëpërmjet:

- Vizatimeve te projektit dhe planimetrike te plota ne seksione dhe ne shkalle
- Skemat elektrike te plota te impianteve te kontrolluara sipas normave
- Kuadri elektrik
- Relacioni teknik

Është e rëndësishme te theksohet qe parashikimi i zgjedhjes dhe llogaritjes se pajisjeve te përdorura ne ketë projekt është bere duke u mbështetur ne normat CE.

Është respektuar ne mënyre rigorozë mobilimi ne baze te cilit janë vendosur pajisjet elektrike, te cilat ne vizatim janë paraqitur me simbolet përkatës (pranë tyre janë vendosur numrat te cilët kane lidhje me linjën e furnizimit me energji elektrike dhe po ashtu eshët bere dhe tregimi i vendosjes se lartësisë se montimit te pajisjeve elektrike sipas normale CE.

Ne veçanti është bere kujdes gjate projektit ne zgjidhjen korrekte e ne mënyre funksionale dhe ekonomike te te gjitha pajisjeve elektrike te vendosura ne secilin prej ambienteve te ndërtesës.

#### **10.1.2 CILESIA E MATERIALIT DHE VENDI I INSTALIMIT**

Te gjithë materialet dhe aparatet qe do te përdoren ne impiantet elektrike duhet te përshtaten me ambientin ku janë instaluar dhe duhet te kenë karakteristika te tilla qe tu rezistojnë veprimeve mekanike, gërryese, termike ose lagështisë dhe agjenteve te tjerë ndaj te cilëve mund te ekspozohen gjate punës. Te gjithë materialet dhe aparaturat duhet tu përgjigjen Normave CE.

Rekomandohet ne zgjedhjen e materialeve, preferanca e prodhimeve evropianë. Te gjitha materialet duhet te kenë te dhënët targën dhe instrukzionet e mundshme te përdorimit qe përdorin simbolet e CE.

#### **10.1.3 TUBAT MBROJTES – PERSHKIMI I TUBAVE- KUTITE E DEGEZIMIT**

Përcjellësit përveç rasteve kur flitet për instalimet ajrore duhet te jene gjithmonë te mbrojtur dhe te mbuluar mekanikisht. Këto mbrojtje mund te jene ; tuba, kanale mbajtës kabllosh, kalime, tubacione ose gropë ne strukturat e ndërtimit etj. Ne impiantet dhe ne godinat civile duhen te zbatohen këto rregulla:

Ne impiantin e parashikuar për realizimin e shënuar, tubat mbrojtës duhet te jene me material term plastik te serisë se lehte për kalimet ne vendet qe mund te preken, me material termoplastik te serisë se rende për kalimet e dyshemesë; diametri i brendshëm i tubave duhet te jete te paktën 1,3 here diametrin e rrëthit te jashtëshkruar tufës se kabllove te futura ne te dhe nuk duhet te përbaje kabllot data dhe te telefonisë. Ky koeficjent i zmadhimit duhet te rritet deri ne 1,5 kur kabllot janë te tipit te plumbuar ose me veshje metalike ; diametri i tubit duhet te jete aq i madh sa te futen e te rifuten me lehtësi ne te kabllot ne mënyre qe te mos dëmtohen as kabllot as tubat. Megjithatë diametri brendshëm nuk duhet te jete me i vogël se 10.5mm;

Gjurma e tubave mbrojtës duhet te lejoje një përshkim te drejte horizontal ( me pjerrësi minimale për te lejuar shkarkimin e kondensimeve te mundshme) ose vertikale. Kurbat duhet te kryhen me rakordime ose me pendanca qe nuk dëmtojnë tubat ose bllokojnë kalimin e kabllove;

Ne çdo kthese te forte është e nevojshme struktura murale e lokaleve dhe për çdo devijim nga vija kryesore dhe sekondare ne çdo lokal qofte tubi duhet te ndërpritet me kuti degëzimi, bashkimet e përcjellëseve duhen te kryhen ne kutitë e degëzimit duke përdorur morsetat shtrënguese.

Kutitë e degëzimit duhet te jene te tilla qe gjate instalimit te mos jete e mundur ndërhyrja e trupave te huaj dhe te kryhet shpërndarja e nxehësisë qe prodhohet ne to.

Mbulesa e kutive duhet te jete e garantuar me fiksim dhe e hapshme vetëm me vegla te posaçme.

Tubat mbrojtës te përcjellëseve elektrike te vendosur ne ulluk, qe nuk kalojnë ne kanalizime te tjera duhet te vendosen ne mënyre qe te mos jene subjekt i influencave dëmtuese qe kane te bëjnë me mbingrohjen, lagështirën dhe formimin e kondensimit, etj.

#### 10.1.4 KABLLO DHE PERCJELLESA

Për te realizuar impiantet elektrike ne ndërtimet publike janë zgjedhur tipet e mëposhtme te kabllove (përcjellëseve ne degëzime)

Ne brendësi te ndërtesës :

N07V-K: përcjellës njëpolar i izoluar me PVC.

FROR 450/750V; përcjellës shumë polar me izolim e guaine PVC.

FG7R 0,6/1kV; përcjellës njëpolar, ose shumë polar, i izoluar me gome te kualitetit G7

me guajne me PVC;

##### a) Izolimi I Kabllove

Kabllot e përdorur ne sistemet e kategorisë se pare duhet te jene te përshtatur me tension nominal kundrejt tokës dhe tension ( $U_0/U$ ) jo me te vogël se 450/750V, ndërsa ato qe përdoren ne sistemet e sinjalizimit dhe te komandës jo me te vogël se 300/350

$U_0$  =tensioni nominal ndaj tokës

U tensioni nominal



##### b) Ngjyrat dalluese te kabllove

Përcjellësit qe përdoren ne realizimin e impianteve elektrike duhet te shënohen me ngjyrat e parashikuara ne tabelat unifikuese. Ne veçanti duhet te përdoret dyngjyrëshi jeshil-i/gjelbërit për përcjellësit e mbrojtjes e ekuipotenciale, dhe blu i hapur për përcjellësin e neutrit. Norma nuk përcakton ngjyrat e veçanta për përcjellësit e fazës por ato duhen shënuar ne mënyre te njëjte për te gjithë impiantin nga ngjyrat e zeze, gri dhe kafe.

##### c) Seksionet minimale dhe rënia e lejuar e tensionit

Seksioni i përcjellëseve llogaritet ne baze te fuqisë dhe gjatësisë se qarkut (duhet qe rënia e tensionit te mos kaloje 3% te vlerës se tensionit ne boshllëk). Seksioni i përcjellësit zgjidhet ndërmjet vlerave te unifikuara. Ne çdo rast nuk duhet te kalohen vlerat e dhëna te rrymës se lejuar, për tapë te ndryshëm përcjellësish, nga tabelat e unifikimit seksionet minimale te lejuara janë:

- $0,75\text{mm}^2$  për qarqet e sinjalizimit dhe te telekomandës
- $1,5 \text{ mm}^2$  për qarqet e ndriçimit baze, aparatet e ndriçimit dhe aparatet me fuqi me te vogël ose te barabarte me  $2.2\text{kW}$ :
- $2,5\text{mm}^2$  për qarqet fuqia e te cilave është me e vogël ose e barabarte me  $3\text{kW}$ :
- $4\text{mm}^2$  për linjat e veçanta qe ushqejnë aparatet te veçante me fuqi nominale me te madhe se  $3 \text{ kW}$

**d) Seksioni minimal i përcjellëseve te neutrit**

Seksioni i përcjellësit te neutrit nuk duhet te jete me i vogël se ai i përcjellëseve korresponduesh te fazës. Për përcjellësja te qarqeve me shume faze, me seksion me te madh se  $16\text{mm}^2$  (për percjellesa bakri ) duhen kënaqur kushtet e normale CE.

**e) Seksioni i përcjellëseve te tokës dhe te mbrojtjes**

Seksioni i përcjellëseve te tokës dhe te mbrojtjes, pra te përcjellëseve qe lidhin me impiantin e tokëzimit pjesët qe duhet te mbrohen nga kontaktet direkte, nuk duhet te jete me i vogël se sa tregohet ne normën CEI 64-8: seksioni minimal i përcjellësit te tokës duhet te jete jo me i vogël se ai i përcjellësit te mbrojtjes me këto minimume përkatëse:

I mbrojtur nga gërryerjet por jo mekanikisht 16(CU) 16(FE)

I pa mbrojtur nga gërryerjet 52(CU) 50(FE)

Si alternative për kriteret e sipërtreguara është lejuar llogaritja e seksionit minimal te përcjellësit nëpërmjet metodës analitike te treguar ne paragrafin A) Te normës CE 64-8.

Tabela N-KAB Numri maksimal i kabllove njëpolare qe mund te futen ne tubat mbrojtës

Diametri i Jashtëm (mm)	Diametri i Brendshëm (mm)	Seksioni i përcjellëseve ne $\text{mm}^2$ (1) 1,5 2,5 4 6 10 16
20	14,1	(9) 7 4 4 2
25	18,3	(12) 9 7 7 4 2
32	24,3	12 9 7 7 3

Qarqet me seksion  $1,5\text{mm}^2$  janë te mbrojtura nga mbingarkesat nga një automat me rryme nominale 10A , ndërsa qarqet me seksion  $2,5\text{mm}^2$  janë te mbrojtura me një automat me rryme nominale 16 A, ato me  $4\text{mm}^2$  me automat 20A.

Linjat, duke qene te mbrojtura nga mbingarkesat, janë gjithashtu te mbrojtura edhe për një lidhje te shkurtër ne fund te se njëjtës linje. Duke mbajtur parasysh tipin e përcjellësit te përdorur, seksionin e tij, nivelin e rrymës se lidhjes se shkurtër dhe karakteristikat e automateve te përdorur normalisht ne ndërtimet publike, linjat janë gjithashtu te mbrojtura edhe nga një lidhje e shkurtër ne fillim te linjës.

Është e rëndësishme qe rryma nominale e automatit mbrojtës te mos kaloje rrymën nominale te prizave e spinave.

#### 10.1.5 RENIA E TENSIONIT

Seksioni i përcjellëseve i llogaritur ne funksion te fuqisë se punës dhe nga gjatësia e qarkut (ne mënyre qe rënia e tensionit te mos kaloje 3% te tensionit ne boshllëk) duhet te zgjidhet nëpërmjet atyre te unifikuara.

#### 10.1.6 REZISTENCA E IZOLIMIT

Për te gjitha pjesët e impiantit qe përfshihen midis dy siguresave ose automateve te njëpasnjëshëm, ose te vendosura para siguresës ose para automatit te fundit, rezistenca e izolimit kundrejt tokës ose ndërmjet përcjellësve qe u përkasin fazave me polaritet te ndryshëm duhet te jete me e madhe se;

500 ohm për sisteme me tension nominal kundrejt tokës qe përfshihen nga 50V deri ne 500V.

250 ohm për sisteme me tension nominal kundrejt tokës me te vogël se 50V

#### 10.1.7 FUQIA E ÇKYÇJES

Pajisjet e seksionimit te përdorura ne nivelin e matëseve, duhet te llogariten me një rryme te lidhjes se shkurtër te paktën 6kA për çkyçesat trefazore, dhe për ata një fazore. Është bere zgjedhja e tipit dhe llogaritja e seksionit te përcjellëseve ne baze te fuqisë se pajisjes qe do te ushqejë dhe automateve për secilin qark te furnizimit te pajisjeve elektrike sipas normave përkatëse. Është bere mbrojtja e qarqeve duke zgjedhur automat te tipit magnetotermik te klasës B, C me rryme nominale 10A, 16A, 20A për qarqet e ndriçimit e te fuqisë se automatit kryesor te tipit diferencial klasës 0.03A me rryme nominale 40 A (e paraqitur me hollësi ne relacionin “Skemat e paneleve elektrike”)

#### 10.1.8 Ambientet e brendshme

Shpërndarja e energjisë brenda ambienteve te qendrës është realizuar ne varësi te sipërfaqes se tij, nga dy ose me shume qarqe, secila prej te cilave mund te ushqejë;

përdorues te se njëjtës natyrë(qarqe ndriçimi-qarqe prizash), ose

përdorues te se njëjtës zone(qarqe zone)

Ne varësi te fuqisë kontraktuale behet dhe zgjedhja e automatit kryesor.

Ne relacionin « Skemat elektriqe te paneleve » paraqiten ne mënyre te detajuar me përmasat përkatëse panelet me vendosjen e duhur te pajisjeve qe ato përbajnë (pjesa e matjes dhe ajo e automateve),numri i linjës qe furnizon çdo pajisje elektriqe. Është bere zgjedhja dhe llogaritja e automateve për secilin nga linjat duke mbajtur parasysh pajisjen qe do te furnizoje (fuqia, veçanësitet e saj).**Te gjithë automatet mbrojtës janë dy polar te klasës « C » me fuqi shkyçje 6kA dhe me rryme nominale sipas fuqisë përkatëse te treguar ne skemat e paneleve.**

#### 10.1.9 SISTEMI I NDRICIMIT TE EMERGJENCAVE .

Referuar normave CEI 64-8, UNI1838, EN50171, UNI11222, UNI50172, EN60598-2-22, DIN VDE 0108, 10/89, është e nevojshme qe sistemi i ndriçimit te emergjencës se evakuimit te jete me autonomi deri 2h, me pajisje e cila siguron furnizimin e pandërprere te energjisë me kohe aktivizimi < 0.5s, i adresues hëm dhe me testim automatik te gjendjes funksionale për çdo ndriçues emergjence.

Sistemi siguron furnizimi me energji 230 V AC dhe ne momenti qe futen ne pune bateritë me tension 216 V dc . Ne këto kushte ndriçuesit duhet te jene me tension 230 V ac dhe 216 V dc

Kabllot e furnizimit me energji (sikurse e kemi përmendur ne kapitullin e shpërndarjes se rrjetit) do te jene te tipit FG7.

Centrali i qendërzuar është i përberë nga module me fuqi 2A, 4A, 6A. Çdo modul furnizon deri ne 2 qarqe, ku për çdo qark do te instalohen deri ne 20 ndriçues (ndriçues emergjence me pictogram + ndriçues normal nen emergjence por me ushqyes 50Hz/60Hz/0Hz). Çdo ndriçues duhet te montohet ne kohe reale dhe mund te përzgjidhet ne mënyrën e funksionimit i ndezur ose i fikur . Por ne te gjitha rastet ne çdo problematike ne linje ose ne aktivizim alarmi te gjithë ndriçuesit ndizen pa përjashtim.

Furnizimi me energji 1F + N.

Bateritë AGM VRLA sealed Lead Acid Batteries, UL-recognized component , jetëgjatësia 2 vjet, temperature ambientit 25 °C , materiali ABS rezistent ndaj djegies, 13.6 – 13.8 V standby, 14.4 – 14.7 V ne kërkim.

#### 10.1.10 NDRICUESIT E EMERGJENCAVE

Ndriçuesit e emergjencave do te jene sipas normave CEI EN 34-22, te cilët do te furnizohen nga kuadrot respektive. Ndriçuesit do te instalohen ne korridoret kryesore, shkalle. Vlera e ndriçimit te siguruar nga ndriçuesit e emergjencave është 2 – 5 lux, dhe distanca vizuale e dallimit duhet te jete jo me shume 22 – 25 M , lartësia e vendosjes nga 2.2 – 6.5 M, reflektorë me lente ne polikarbonat PC,

ngjyre te bardhe, me te gjithë konvektorët, fuqia 5 – 11 W LED, IP20, i pajisur me ushqyes elektronik dhe modul adresimi nga sistemi qendërzuar. Ndriçuesit do te jene te tipi inkaso, dhe te tipit jashtë murit me varje apo mural.

Te gjitha Instalimet e mësipërme duhet te jene sipas standardeve e normave te instalimit e shfrytëzimit te instalimeve elektrike dhe projekt-preventivave bashkëngjitur.

